



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vitae Sanctorvm**

complectens sanctos Mensium, Ivlivm Avgvstvm & Septembrem

**Lippeloo, Zacharias**

**Coloniae Agrippinae, 1603**

Vita S. Arsenii Inter Eremi cultores præcipui. Ex ea qua extat apud Metaphrasten. Claruit anno Domini 383. Damasi Papæ 17. Theodosij Imperatoris V. & sequentibus. Obijt verò anno ætatis suæ ...

**urn:nbn:de:hbz:466:1-42728**

confregerunt, fœdeque conspurcaturam mediam  
in viam prouoluerunt. Quod adeo plebem con-  
citauit, ut compræhensæ mox traherentur ad  
Præsidem Diogenianum. Qui Christianas es-  
se cognoscens eculeo extendi, ferreisque vngu-  
lis laniari præcepit; post tetro carceri mancipa-  
tas, nouis exquisitisque modis cruciari. Produ-  
ctæ tandem ad Præsidem, dijs supplicare litare-  
que iubentur. Illæ Christo eum honorem de-  
beri contendunt. Cumque per cautes & mon-  
tium prærupta post Iudicem nudis pedibus du-  
ctæ non mouerentur, Iusta tandem in carcere  
vitam dedit. Corpus in puteum missum, à Sabi-  
no est Episcopo sublatum sepulturæque traditum.  
Ruffinæ, pleno Deum ore fatenti, gula est fra-  
cta, corpusque flammis traditum; sed à Sabino  
ossa collecta, cum Iustæ reliquijs Hispali sepul-  
ta sunt.

*Confringunt  
idolum Ve-  
neris.*

*Horrendè  
cruciantur.*

**VITA S. ARSENI** INTER EREMI *Vide Tom. 4*  
*cultores præcipui. Ex ea qua extat apud Meta-*  
*phrasten. Claruit anno Domini 383. Damasi Pa-*  
*ron.*  
*pa 17. Theodosij Imperatoris V. & sequentibus.*  
*Obijt verò anno ætatis suæ vigesimoprimo incho-*  
*ato suprà centesimum.*

**A**DMIRABILIS hic Arsenius, cuius no-  
men non modò in monte Scete, vbi illu-  
stria admodum peregit certamina, sed per  
totum orbem terrarum est celeberrimum, vete-  
re Roma oriundus, eos, quamdiu in hac vita ver-  
satus est virtutis effudit radios, qui non solum  
aliorum splendore admirabili perstringebant  
oculos, sed & gratissimo quodam calore frigidio-

*19. Iulij.*  
*Patria eius.*



res ad virtutem animos accendebant, vt vehemēti sanē ardore ad similem virtutum gloriam incalescerent. Vt primum maturum ad literarū cognitionē nactus est iudiciū, generoso & strenuo sanē animo incredibiles suscepit labores, Græcamque omnem disciplinam tam promptus est affecutus, vt nihil in imis lateret penetrabilibus, quo non suum ipse pectus egregiē locupletaret; eoq; & animi magnitudine & ingenij celebritate breui peruenit, vt Græcorū Philosophia longē superata, eaq; tanquam friuola & inanispreta, conatus omnes ad sacrarum literarum cognitionem hauriendam conferendos existimaret. Neque sanē abiectum vel ignauum ad purissimos illos sanctioris disciplinæ fontes auidē potandos attulit animum, sed adeo generosum adeoq; piū & sanctū, vt paulō post amplissimo Romanæ Ecclesiæ iudicio diaconatus honore (qui id temporis haud vulgaris erat) dignissimū sit habitus. Ipse verō in eo munere sacro, tanto virtutum omnium splendore degebat, vt cuncti ad sacerdotij gradum promouendum eum clamarent.

*Insignis eruditio Arsenij.*

*Fuit Romæ Diaconus.*

Interea Imperator Theodosius, qui Valentiniano pioius, in Imperij dignitate successerat, magna tenebatur sollicitudine, vt virum aliquē artium maximarum disciplinis instructissimū & diuinis præditum moribus inueniret, qui filios eius & doctrina & moribus regia indole dignis imbueret, iuuenūq; animos ad omnem honestatem virtutemque exactissimē informaret. Hanc curam cum assiduo sub pectore coqueret, eadē ad Gratianum Imp. literas dedit, quibus eum rogabat, vt egregium pietate virum qui-

lium



lium doceret, quæreret, inuentumque Constan-  
tinopolim mitteret. Gratianus ut hac in re Theo-  
dosio gratificaretur, virumque aliquem omnibus  
numeris absolutum obtineret, scripsit continuo  
ad Damasum Romanæ Ecclesiæ Pontificem; qui  
finè mora Arsenium diaconum egregia probita-  
te spectatum, & literis insigniter eruditum euo-  
cauit; eique Imperatoris voluntatem exposuit,  
atque, ut se ad eam functionem ritè prudenter-  
que obeundam accingeret, hortatus est. At Arse-  
nium, qui, gustata iam spiritus dulcedine, mundo  
eiusque splendori ac fastui ex animo nuncium  
remiserat, & vnà cum sorore sua diuinis assiduò  
rebus vacabat, eo nuncio turbatus, manibus, quod  
aiunt, pedibusque, eam curam, quam maximis  
cum honoribus coniunctam cernebat, à se repel-  
lere conatus est. Sed & Damasi Põtificis & Gra-  
tiani Imperatoris auctoritate atque monitis vi-  
ctus cessit quaquàm inuitus, virginemque soro-  
rem virginibus cõmendans, recta Constantinopo-  
lim iter instituit. Ibi verò summa ab Impera-  
tore Theodosio beneuolentiæ significatione &  
maximis exceptus honoribus, tantam ipsi primo  
conspectu & affatu attulit voluptatem, ut Impe-  
rator continere se non posset, quin voces lætitiæ  
sue indices ederet, atque omnipotenti Deo im-  
mensas, pro tanto tamque excellenti viro, è cuius  
vultu splendor quidam prudentiæ ac pietatis mi-  
rificè relucebat, gratias ageret.

*Damasus Pa-  
pa hortatur  
eum, ut filios  
Theodosij e-  
rudiendos  
suscipiat.*

*Abit Constan-  
tinopolim.*

Cum enim pius Princeps, filium Arcadiū na-  
tu maiorem eo tempore Augustum pronunciaf-  
set, (agebat tunc annum ætatis suæ octauum) pa-  
rum sibi visus filio contulisse, si Romanum tra-  
dens Imperium, non equè in eum transfunderet



*Licet scrip-  
tores de duo-  
bus filijs mē-  
tionem faci-  
ant, tamēn  
de Honorio  
constat non-  
dum natum  
fuisse. quem  
anno sequen-  
ti Placilla  
Augusta pe-  
perit. Baroni-  
us Ann. To. 4.  
Oratio  
Theodosij  
Imp. ad Ar-  
senium, præ-  
sentibus fi-  
lijs, dum eos  
tradit Viro  
sancto eru-  
diendos.*

pietatem, eum Arsenio moribus ac literis im-  
buendum tradidit. Porro quo ordine quoq; mo-  
do filios illi suos commiserit, equidem existi-  
mo dignum esse quod à nobis paulò fusiùs expli-  
cetur. Et quidem adductis in conspectum Arse-  
nij filijs, his ferè verbis prudentia & auctorita-  
te & paterna sollicitudine plenissimis orationē  
instituit; Quandoquidem benè esse, magis pro-  
prium magisq; paternum est, quàm solummodò  
esse, posthac tu ò Arseni, magnum prudentiæ de-  
cus, potius eris eorum pater, quàm ego. Ego nā-  
que præter vile hoc corpus infinitis obiectum  
miserijs & ignorantix tenebris inuolutum con-  
tuli nihil; tu eruditionem, sapiētiam, pietatem,  
cæteraq; virtutes, sinè quibus humanæ vitæ fo-  
licitas nulla constare potest, conferes: & infor-  
mes rudesq; mentes disciplinarum omnium  
pulchritudine exornabis. Ego illis diuitias &  
regnum incertis fortunæ flatibus subditum tra-  
do: tu diuitias stabiles nullisq; prædonum in-  
dijs obnoxias propones, & viam deniq; ad cæ-  
leste regnum certissimam demonstrabis. Quare  
eos tui ingenij & prudentiæ excellentiæ com-  
mitto, Deum simul inspectorem testemq; addu-  
cens, vt tales mihi tua disciplina euadant, qua-  
les eos volo & opto. Da vt expressam virtutū  
tuarū in eis cernam imaginem, nullisq; offusite  
tenebris simili eruditionis ac pietatis splendore  
coruscent. Da, amicissime Arseni, vt gaudeam  
inculpata eorum educatione, & tu de colloca-  
tis optimè horis laboribusq; exultes. Cæterum  
hoc te minimè latere volo, me omnem tibi eo-  
rum ita facere potestatem, vt delicta seuerè pu-  
nias, nulloque Imperatoriæ dignitatis habito  
respo-

respectu  
tias. Vol  
pulos eff  
magistr  
instruat  
ipsi se in  
grata fu  
fructus  
ctis, eos  
intenta  
præclar  
Porro  
tate iuu  
tis pleni  
ferret a  
dignitat  
bus stan  
ca quad  
Verum  
las ingre  
tem vid  
Arseniu  
decora p  
tibus sta  
qua erat  
haud de  
indigna  
eis Imp  
senium  
pite auc  
proles f  
entia re  
nè vox l  
tam duo



respectu, metum, ubi opus est, constanter incutias. Volo enim eos tibi tanquam filios & discipulos esse, moremque tanquam patri germano & magistro gerere. Quod si quid honestate tuaque instructione indignum (quod absit) admiserint, ipsi se insimulabunt, ut à nobis, quæ minus illis grata futura sunt, sustineant: operumque suorum fructus (ut inquit Esaias) ipsi comedent. His dictis, eos Arsenio cum auctoritate tradidit; qui intenta deinde cura formandis eorum animis præclare incubuit.

Porro Arsenius quanquam singulari dextertate iuueniles erudiret animos, monitaque pietatis plenissima summa cum auctoritate eorum inferret auribus, ut tamen aliquid Imperatoris dignitati deferret, discipulis in sellis residentibus stans plerumque documenta promebat: amica quadam moderatione lenitatem temperans. Verum cum Imperator fortè præter spem icholas ingressus, filios sedentes, Arsenium verò statim vidisset, graui satis indignatione repletus Arsenium admonuit, quod magisterij gradum decora parum ratione ornasset: quod filijs sedentibus stans ipse peroraret. Arsenius autem cum, qua erat animi modestia, se excusaret, diceretque haud decere sedentem se docere Imperatores, indignatione vehementius commotus, abstulit eis Imperatoris insignia, sedereque in throno Arsenium compulit, filios verò stare detectoque capite auditores profiteri; illud inculcans, tunc proles suas verè fore dignas Imperio, si cum scientia æquè imbuti fuerint pietate. Præclara sane vox Imperatore digna, qui filios suos priuatam ducere vitam satius esse iudicabat, quam Impe-

*Esaiæ 3.*

*Stans docet  
filios Impera-  
toris Arse-  
nius.*

*Id indignè  
fert Imp.*

*Hæc omnia  
Arcadio tan-  
tùm contigis-  
se verius est;  
cum constet  
Honorium  
vel nondum  
natum fuisse,  
vel adeo te-  
nerum, ut ad  
literarum  
disciplinas  
minimè ido-  
neus esset.*

*Vox digna  
Imperatore.*



Imperij gubernacula stultè aut parum prudenter vel sanctè tractare.

*Abhorret à  
fastu Arseni-  
us & solitu-  
dinem medi-  
tatur.*

Verumenimuerò cùm in has curas incidisset Arsenius, plurimumque ab omni fastu & strepitu abhorreret, vitamque monasticam vnice adimaret, coepit pristinum vitæ institutum, quod iam antè parturierat, iterùm in animum demittere, variasque secum cogitationes agitare, quæ via modoque à præsentibus se vinculis exuere posset. Cathedra & ipse thronus gloriæque splendor & dignitas grauiter eum conturbabant, neque quidquam aliud quàm secessum vitamque solitariam meditabatur. Cumque libertatis spes omninò nulla relicta videretur, quod proximum erat, precibus lachrymisque à Deo opem implorare constituit. Nec frustra sanè, nam ratione admirabili à Deo exauditus, excusso seruitutis iugo, paulò post ad eremum magnū libertatis portum commigrauit. Hic verò fuit modus.

*Castigat Ar-  
chadium Ar-  
senius, & il-  
le necem ei  
parat.*

Arcadius Imperatoris filius graue quoddam delictum admiserat, quod cùm nullo modo veniam mereretur, Arsenius flagris eum cecidit. Ille verò castigationis impatiens, vt vltionē de iniuria, quemadmodum interpretabatur, expecteret, Neronis instar, magistro suo mortem inferre constituit. Ea re, cum quodam spathario sibi à ministerijs deputato, communicata, eum Arsenio insidias struere, quibusque possit modis de medio tollere incitat. Verùm minister occultis conscientiae stimulis agitato, nefarium facinus in virum adeò sanctum tota mente exhorruit, simulque Imperatoris iram veritus, ipsi Arsenio rem totam aperuit, hortatusque eum est,

*Nota facta  
sunt ei insidie  
Archadij.*



est, ut fuga iuuenis insidias & furorem declina-  
ret. Tum Arsenius multo ardentius die noctuq;  
precibus incumbere, numinis diuini opem im-  
plorare, lachrymis gemitibusq; fugitiuos hono-  
res arumnis & periculis plenos deplorare, &  
certiorem salutis viam à Deo exposcere. Et ecce  
hæc assiduis lachrymis precanti, vox quædā su-  
pernè in aures dilapsa: Arseni, inquit, fuge tu-  
multus, & salutē assequeris. His auditis, Arseni<sup>9</sup>  
sinè mora abiecta splēdida veste, vili se amictu  
induit, & recta, nullo comite, ad litus conten-  
dens Alexandriam, opportunè nauē nactus, de-  
latus est. Et statim ut omnem spem reditūs Im-  
peratori præscinderet, tonsa capitis coma, susce-  
ptoque habitu monastico, ad Scetem montem  
valdè excelsum & solitariae vitæ aptissimū abiit  
totoque & animo & corpore in numerum pa-  
trum, qui illic cælestis militiæ stipendia facie-  
bant, concessit.

*Arsenius ca-  
litus audit  
vocem.*

*Clam fugit  
ex aula.*

*Fit mona-  
chus.*

Ut verò Imperator illius fugam cognouit,  
mœrore tabescens ilicò magnam famulorum  
multitudinem ad eum requirendum dimisit; so-  
litudines, insulas, speluncas, petrarum scissuras,  
aliaque loca subterranea indagari iussit, quo su-  
um doctorem filiorumque magistrum recupe-  
raret. Sed quem Deus in occulto tabernaculi  
sui absconderat, nulla industria humana inue-  
niri poterat; latuitque per totam Theodosij vi-  
tam Arsenius; hominibus ita ignotus, ut interim  
angelis totiq; curiæ cælesti esset notissimus. De-  
functo autem Patre, cūm Arcadius imperij gu-  
bernacula suscepisset, mox de Arsenij vita & ha-  
bitationis loco certior factus, omnē mouit lapi-  
dem, ut tantū virum scelere suo offensum reuo-  
caret.

*Latet per o-  
mnem vitam  
Theodosij.*



*Archadius  
Imp. offert  
ei totius AE-  
gypti vestiga-  
lia, sed renuit*

*Præclarum  
Arsenij re-  
sponsum, ad  
litteras Impe-  
ratoris.*

*Dæmones ei  
infecti.*

caret. Literas igitur ad eum dedit officij & hu-  
militatis plenissimas: eiusq; preces consiliaq;  
ad Imperij stabilimentum admodum submis-  
sè implorabat. Neq; puduit conceptum quondam  
scelus agnoscere, multisq; precibus veniam il-  
lius poscere. Postremò donum sanè magnificen-  
& liberale addidit, quo & animum illius placari  
tū redderet, & ad Imperij foeliciter administ-  
rationem societatem euocaret. Nam totius Aegypti ve-  
stigalia obtulit, ut ea, si ad suos usus admittere  
recusaret, pauperibus & sacris in Scere mona-  
sterijs distribueret. Hæc per litteras agebat Impe-  
rator; orans atq; obtestans, ut secum Imperij be-  
neficiis honoribusq; frui dignaretur. At Arsenius  
qui iam in regni cælestis societatem per contem-  
plationis studium admissus erat, terrena cuncta  
se indigna putabat, eademq; ita ex animo reieci-  
erat, ut ne Imperatori quidem quamvis hoc ip-  
sum enixè petenti, scripto responderit: sed ore  
tenens hæc ferè verba deferri curauerit; Deus sit  
nobis omnibus propitius, & peccatorum nostrorum  
vincula soluat. Pecuniarum autem distri-  
butio nequaquam ad me pertinet, qui iam mun-  
do mortuus sum. Mortui autem talis nulla est oc-  
cupatio alia, quàm spiritu æterna cælestiaq; con-  
templari. His in hunc modum paucis Imperato-  
ri significatis, Arsenius institutū disciplinæ cur-  
sum alacriter profecutus est, patresq; omnes  
in stadio virtutis viriliter currentes multis pa-  
rasangis cum superaret, tum eorum iugiter ani-  
mos luculentis sanè orationibus contrà varios  
tentatoris insultus vegetabat: ac singularia sem-  
per cum eodem certamina egregiè sustinebat.  
Cum verò dæmones, aliquando in cellam eius,  
im-



importuniùs irrumperēt, varijsq; eum afflictio-  
nibus frangere conarentur, ille summa animi  
tranquillitate molestiarum patiens nihil age-  
bat aliud, quàm hoc identidē submissè repe-  
tens, Deus ne derelinquas me. Da vt, qui omnis  
boni inops sum, tandem aliquando melioris vi-  
tæ attingam principium. Hoc quasi dæmonum  
contemptu infinitas eorum insidias deuicit; &  
clarissima semper de ijs victoria potitus in sola  
Christi gratia exultauit. Erat verò eius tam in-  
signis humilitas, vt cum omnium disciplinarū  
cognitione esset cultissimus, agrestiores tamen  
frequenter consuleret, & ab ijs haud medio-  
crem vtilitatem se accepisse gauderet. Pruden-  
ter namq; sentiebat, multorum idiotarum men-  
tes diuino quandoque lumine illustratas nō ra-  
rò ea percipere, ad quæ nulla humanæ mentis  
industria, nulla ars vel scientia pertingere po-  
test. Cum autem vir sanctissimus, tãta animi hu-  
militate famæ celebritatem euitaret, tum adeò  
omnibus virtus illius innotuit, vt toto orbe ce-  
leberrimus in ore omnium versaretur. Hinc  
præter alios, qui ex omnibus mûdi partibus stu-  
dio nominis illius ducti in Scetem confluebant,  
Theophilus Alexandrinus antistes vnà cum ci-  
uitatis illius Præsede, ingenti labore superatis i-  
tineris molestijs, ad eū venit, vt diuini illi<sup>9</sup> col-  
loqui participes fierent. Cumq; ab eo pia quædã  
monita postularent, Arsenius parumper conti-  
nescens, tandē ait; Nunquid, si quid vobis dixe-  
ro, seruaturos id mihi promittitis? Illis annuen-  
tibus, Benè, inquit, Quæso vos, vbi Arsenium ef-  
se audiueritis, videte ne illuc vltra gradum in-  
feratis. Placuit eis ardens silentij viri sancti de-

*Egregia hu-  
militas Ar-  
senij.*

*Theophilus  
Alexandrie  
Episcopus  
eum inuist.*

*Vide quàm  
cupiat nes-  
ciri.*

*fide.*



fiderium, multumq; gauisi tanti viri conspectu Alexandriam redierunt. Cæterum Theophilus sanctorum amantiſſimus, paulò poſt, vt rurſus illius conſpectu colloquioq; fruereſſetur, per quendam ab eo ſciſcitatus eſt, num venienti aditus pateret; Cui vir ſanctus: Aditus, inquit, tibi quidẽ patebit, ſed ne omnibus pateat, reſta hinc longiſſimè recedam. Hoc accepto reſpoſo, Archipræſul diuinum eius ſilentium deinceps interrumpere non præſumpſit. Sed & cum aliquandò Matrona quædam Senatoria, opulenta ac religioſa valdè, pio eius videndi, ac diuina monita accipiendi incenſa deſiderio, (vbi id primum, fruſtrà quidẽ, per interceſſionẽ memorati Antiltiris tẽtaſſet) tandẽ itinẽris labore, pudore cæteriſq; deſpectis, Roma ad eũ veniſſet: indignè id ferens, vir ſanctus, durè admodũ eã accepit ac ſeuere increpauit. Quin & cũ ei⁹ apud cõmunẽ Dominũ iugiter meminiffe pia fœmina ſupplex poſtularẽt, reſpõdit B. Arſenius: Deũ magis oro, vt tui memoria de meo corde deleatur. Quod quidẽ nõ erant verba odij, ſed cautionis & puriſſimæ continẽtiæ. Erat enim vir diuinus ſilẽtiũ & ſolitudinis ſtudioſiſſimus, adeoq; mente cum Deo vnĩ⁹, vt quãuis corpore in terris, cogitatione tamẽ in cælis habitaret. Quocircà & illi⁹ habitaculũ triginta milliarib⁹ ab alijs remorũ quidã cæleſtis mænſionis ſpecie præbebat, ſoloq; ſui cõſpectu homines ad pietatis amorẽ excitabat.

Porro quãta inedia corpus ſpiritui deſeruire coëgerit, quæ vis orationis explicare poterit? O cium verò remis, quod aiũt, veliſq; ſemper emittauit; certus eã peſtẽ faciliſſimè ſolitarijs nec opinatibus ſubrepere, mentemq; fucata pietatis ſpe

*Fugit collo-  
quium Sena-  
torie femi-  
nae.*

ſpecie or-  
ctus, exha-  
ac rerum  
vel mani-  
ritum a  
ret. Cũ  
Arſenium  
ctus fuiſſe  
vir ſanctus  
bulum qu  
eius expe  
tigati fra  
quendam  
qui vias l  
rũt; à q  
ſed ſuau  
poruque  
hoſpiti r  
ctis ſibi v  
Aeſtimo.  
diuit for  
ſenibus.  
ret & hu  
tis ſtudiũ  
cuius ſac  
ret, depre  
nificaret  
proſpero  
vna Arſe  
litate De  
quem Ar  
nouit er  
eſſe; mai  
hoſpital



*Ocium tota  
virtute fu-  
git.*

*Fratri cupi-  
dè eum inui-  
senti, nihil  
loquitur.*

*Secus facit  
Abbas Moyses  
vterque ta-  
men benè.*

specie ornatâ funditùs subuertere. Hinc vir san-  
ctus, exhausta ieiunijs membra, vel in precibus  
acerum diuinarû studijs perpetuò exercebat,  
vel manibus palmarû ramos cõtexebat, vt spi-  
ritum ad orationis studium vegetiorem adduce-  
ret. Cùm aliquandò frater quidâ magno vidēdi  
Arsenium desiderio tactus, ab alio ad eũ dedu-  
ctus fuisset, & vterq; ab Arsenio admissus esset,  
vir sanctus, data salutatione, conticuit, neq; ver-  
bulum quidē vnũ sedentibus auideq; sermones  
eius expectantibus deprompsit. Quo silentio fa-  
tigati fratres, ambo recesserunt & ad Moysem  
quendam magnæ sanctitatis opinione celebrē,  
qui vias latrocinijs infestas olim infederat, abie-  
rūt; à quo nō modò benignè hospitio excepti,  
sed suauissimo colloquio abundè, & cibo etiam  
potuque refecti sunt. Tandem dimissi, frater ab  
hospite requisiiuit, quisnam ex duobus viris san-  
ctis sibi videretur esse virtute superior. Cui ille:  
Aestimo, qui nos hospitio accepit & recepit. Au-  
diuit fortè hoc iudiciũ quidâ ex præstātoribus  
senibus. Cũ verò animi dubi⁹ vtriusq; facta pēsa-  
ret & hui⁹ quidē silentiũ, illius verò hospitalita-  
tis studiũ diligēter perpenderet, nec scire posset  
cuius sãctioris disciplinæ palmâ meritò tribue-  
ret, deprecatus est Dominũ quatenus id sibi sig-  
nificaret. Vidit ergò secundũ quietē naues duas  
prospero ventorũ flatu maria sulcantes; quarũ  
vna Arsenius ferebatur, quē summa in tranquil-  
litate Dei spiritus fouebat: Altera verò Moyses,  
quem Angeli Dei melle fauoq; pascebant. Cog-  
nouit ergo vtrumque maximi apud Deũ precij  
esse; maius tamen Arsenij silentiũ, quàm Moysis  
hospitalitatē esse; quod cum Arsenio quidē di-  
uinus



*Eu ut seipsū  
adhortatur  
& excitat.*

*Perpetuò la-  
chrymatur.*

*Sub mortem  
en quomodo  
Vir Sanctus  
metuat; Pec-  
cator quid  
faciet?*

diuinus versabatur spiritus: cum Moyse autē Angelis; qui tacitè bonum hospitalitatis signifi-  
cabant. Hoc namq; diuino Arsenio propositum  
erat, vt mentem suam cum Deo arctissimè con-  
sociaret, nihilq; admitteret quod vel tempore  
momēto ab illa foelicitate eum auelleret. Hinc  
frequenter suis ipse auribus hæc inculcabat, si-  
cumq; repetebat; Arseni, cur egressus es? Quo-  
est, Quis fuit tuus scopus, vt à mundo te subdu-  
ceres? Et illud frequentius; Sæpius me dixisse  
pœnituit, tacuisse nunquā. Et quidē in te  
ipsa silentia assiduo lachrymarum imbre gen-  
rigabat: prorsus vt subiecto panno fluentia exo-  
pere cogeretur. Dies verò & noctes ita pri-  
cibus iungebat, vt cū occidente sole illud  
studium inchoaret, oculis manibusq; cælum  
crectis stans permanebat, donec splendor  
orientis alias quærere latebras suaderet.

Postquā verò post longa ardua; aded cœ-  
tamina tempus adfuit, quo in cælis à Deo coro-  
nandus vocabatur, mortis doloribus circum-  
uentus, cœpit is, qui nulla peccati grauioris con-  
tagione pollutus, angelica Deo puritate per om-  
nem vitam militauerat, horrōre affici, metu per-  
fari, profusis lachrymis exitum formidare; adeo  
vt stupefacti discipuli exclamarent, Et tu pater  
times mortem? Quibus ille; Reuerā, inquit, non  
quā hic metus quo me oppressum cernitis, o-  
mninō à me recessit, ex quo primum Christiani  
militiæ ex animo nomen dedi. Hæc dicens, bea-  
tam animam in manus Creatoris suauissimè ef-  
flauit: cū annos inter monachos in omni san-  
ctitate, exegisset quinquaginta quinque; nulli  
cor-

corporis  
quam vig  
incomin  
tinenti  
perhorre  
poris stat  
senio par  
lachrym  
viuida &  
aptissima  
ploratu  
(cilicio  
promōr  
mes, rece

VITA

simæ

Meta

**B**eat  
Gr  
ritu  
talitati  
rentibus  
tem attin  
habuit  
honore  
suis vnic  
chritudi  
ta, fuit q  
honestis  
Quæ cū  
ingenua  
trici di  
perueni



corporis parte mutilatus vel morbi senie, (quāquam vigesimum suprā centesimum excessisset) incommodo fractus; quā illi fortitudinem continentiae labores, quos reliqui mortalium adeo perhorrescunt, contulere. Fuit vir procera corporis statura; promissa ad ventrem usque barba; senio paululum incurvatus, calvis propter vim lachrymarum supercilijs, reliqua parte planè virida & ad omnem virtutis exercitationem aptissima; Corpus eius fuit magno discipulorū ploratu in ipsis, quibus fuerat indutus vestibus, (cilicio quippè & pelle ouilla) cum psalmos promovere cecinissent, in loco cui nomen Stomes, reconditum.

*Decedit valde grande-uis.*

*Statura eius qualis fuerit.*

*\*al. Martinus.*

# VITA ET MARTYRIUM SANCTIS-

*Vide Notat.*

*sine Virginis \* Margaritæ, ex ea quæ est per Metaphrasten.*

*C Baron. in Martyrol. Roman.*

*20. Iulij.*

**B**EATA & præclara virgo Margaritæ, quam Græci Marinam vocant, cuius nomen merito propter virtutis constantiam immortalitati consecratum est, Antiochia Pisidiæ parentibus, quod ad corporis quidem nobilitatem attinet, claris admodum oriunda, patrem habuit \* Aedesium, præcipuo sacerdotij idolorum honore celeberrimum. Cum autem parentibus suis vnica esset, & quidem eximia corporis pulchritudine filia, matre antè tempus è vita sublata, fuit quintodecimo ab vrbe milliari, nutrici honestis planè moribus femina; alenda tradita. Quæ cum eam honorifice haberet, moribusque ingenua virgine dignis imbueret, breui & nutricis diligentia, & insita indolis bonitate edperuenit, ut nulla re magis quā insigni morum

*Patria & parentes S. Margaritæ: \* Vixit annis Domini 351. &c. sub Constantio Imp. vi patet Tomo 3. Annal. C Baron fuit que Iuliano maxime etiam.*

*honest.*